

ПОЛЬШД ОКТЯБРИН 40-ч ДЖИЛИН ӨӨНД БЕЛДЛГҮН

ВАРШАВА, августин 12. (ТАСС). Польск Народн Республикад Алдр Октябрьск социалистическ революцин 40-ч джилин өөнд белдвр келгүн цаарадан бола. Орн-нутгин цуг воеводствар эн күндтэ өдрийг темдглх белдврин шишлнъ комитетс бүрдэгдв.

Варшавд, Краковд, Лодзид болн Познаньд баях польск-советск институтсин нилчяр СССР-н туудж дасх нег джилдэ курс бүрдэгддженэ. Дасджах амтс Советск Союзин тууджла, политиклэ, экономла болн культурла таньлдхмн.

Лекциг польск болн советск учени улс умшхмн.

Октябрин 40-ч джилин өөндик белдлгү польск-советск

ни-неги баялгүнэ обществ кеджэнэ. Алдр Октябрьск революцин 40-н джилин өөнэ туск лекцлэ, концертлэ, күүндврлэ болн революц орлцачирла харгылгүнэ зергд „Советск плакат революцин эргид“, „Советск кинематографин 40 джил“, „Польск дегтрмүд СССР-т“ гидг плакатс обществ гаргүн гиджэнэ.

Польск-советск ни-неги баялгүнэ обществин клубсар советск йосна 40 джилин өслт болн революц ягъдж болсна туск советск документальн фильм үзүлдхмн. Терүнэс талдан, польшин зун кинотеатрмудт советск художественн фильмс үзүлдхмн.

Октябрьск революцин 40-ч өөнлэ польск издательствеск дегтрмүд гаргъдж баянэ, тели дунд хуранъгү: „Ленин 1917-ч джилин Октябрьск революцин тускар“, дакад Октябрьск революц орлцсн улсин товчлрмуд барлгдхмн. Тер учрар Ленинэ тускар Н. К. Крупскойин, А. М. Горькин товчлрмуд талдан барлгди гиджэнэ.

Польск издательствес „СССР-н амтнэ поэзин антологий“ белддж, 120 советск автормудин произведеньс барли гиджэнэ. Алдр Октябрин 40-ч өөнд зергцүлдж В. Маяковскийн, А. Фадеевин, В. Ивановин бичсн произведеньсин хуранъгү барлгддж гарн гиджэнэ.